



Anna Wangenheim  
Demokraatit sinnerlugit Inatsisartunut ilaasortaq

## § 37 naapertorlugu apeqqummut nr. 042/2024-mut akissut

05-03-2024  
Sags nr- 2024 - 4045  
Akt -id: 23908059

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanoq.gl](mailto:pn@nanoq.gl)  
[www.naalakkersuisut.gl](http://www.naalakkersuisut.gl)

Inatsisartut suleriaasianni § 37, imm. 1 naapertorlugu Naalakkersuisunut apeqquteqaammik nassiussivutit. Apeqqutinut, uatsinnit akineqartussanngorlugit innersuunneqartunut qutsavigaatsigit. Apeqqutitit matuma kinguliani issuarneqarput akineqarlutillu.

- 1. Una siunnersuut akuerineqarsimasoq suliarinera sumut killippa "Peqqinnissaqarfimmi tarnip pissusaanut, tassunga ilanngullugit meeqqanut inuusuttunullu tarnip pissusaanik ilisimasalinnut tunngasutigut ineriartortitsinissamut Naalakkersuisut pilersaarummik suliaqarnissaannut peqquneqarnissaannik Inatsisartut aalajangiiffjigisassaattut siunnersuut. Pilersaarut pitsaaneruseqarput paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutiniq tigussaasunik imaqassaaq. Ineriartortitsinissamut pilersaarut kingusinnerpaamik UKA2023-mi saqqummiunneqassaaq."?**<sup>1</sup>

### Akissut:

Siunnersuutip UKA2023/30/89-ip akuerineqartup suliarineqarnerani Nunami Namminermit Atugarissaarnermut Ilisimatusarfimmut (VIVE) isumaqatigiissuteqartoqarnera killiffigaarput, tassanilu ilisimatusartut piginnaanillit maannarpiaq tarnikkut napparsimasut sullinneqarnerini unammiligassat pingaarnerit nalunaarsorneqarput, kiisalu iliuusissanut suliniutissanullu, tarnikkut nappaatilinnut sullissivimmi ineriartortitsinermut pilersaarusiarnermut pingaarnermut ilaatinneqartussanut siunnersuusiortoqarpoq. Tunngaviummik sulineqUPA2024-mi saqqummiunneqartussatut naatsorsuutigineqarpoq.

Naalakkersuisuniit Ilaqutareeqarnermut Peqqissutsimullu Ataatsimiititaliaq ineriartortitsinissamut pilersaarutip suliarineqarnerani killiffik pillugu ingerlaavartumik ilisimatinneqartarpoq, ilaatigut 17. oktoberi 2023-mi paasissutissiiviummik ataatsimiinnermi, aammalu kingullermik 6. februaari 2024-mi paasissutissiiviummik ataatsimiinnermi. Paasissutissiiviummik ataatsimiinnerit malitsigisaannik aamma Naalakkersuisut 26. oktoberi 2023-mi aamma 8. februaari 2024-mi killiffik pillugu

<sup>1</sup> EM 2022/89 - FM2023/89

allakkatigut ilisimatitsissummik Ilaqutareeqarnermut Peqqissutsimullu  
Ataatsimiititaliamut nassiussaqqarpoq.

2. **Una siunnersuut akuerineqarsimasoq suliarinera sumut killippa**  
“Naalackersuisut Dronning Ingridip Napparsimavissuani nuna  
tamakkerlugu meeqqanut immikkoortortaqqarfimmik pilersitsinikkut  
atugassarititaasunik pitsanngorsaanissaannik aammalu Meeqqanut  
Inuusuttunullu tarnip pissusaanut ilisimasalinni atugassarititaasut  
utaqqisarnerillu sivikillisinnaannut peqquneqarnissaannik Inatsisartut  
aalajangiiffigisassaattut siunnersuut. Tamatuma saniatigut suliamut  
ilisimatigut piginnaasanik isumalluutinillu pisariaqartitsisoqassappat,  
taakku misissoqqissaarneqassapput taamaalilluni  
paasiniaaqqissaarnissat pinasuannigitsut annerpaamik qaammammik  
ataatsimik sivistigisumik utaqqineqartalerniassammata. Naalackersuisut  
nassuiaammik, aningaasaqarnikkut naatsorsuinernik imalimmik  
kingusinnerpaamik UP A2024-mi saqqummiissapput.”<sup>2</sup>

**Akissut:**

Nassuiaasiorneq aallartinneqareerpoq. Nassuiaatip 2024-mi Inatsisartut upernaakkut  
ataatsimiinneranni tamanut ammasumik saqqummiunneqarnissamut piareernissaa  
naatsorsuutigineqarpoq.

3. **Angajoqqaat imaluunniit atorfillit ilisimasaqartuusut ADHD, autisme  
imaluunniit unammillernartut assingusinnaasunik ilimattaassaqartillugit,  
meeqqat inuusuttullu sukkanerusumik paasineqarnissaannik aammalu  
suussusersineqarnissaannik qulakkeerinnittussanik Naalackersuisut  
tigussaasunik suut suliniutissatut aallarnisarnikuuaat?**
  - a. **Paasineqarnissamut utaqqisarnerit qanoq sivistigippat?**
    - i. **Utaqqisarnerup sivistissusaa ullumikkut atuuttumut  
Naalackersuisut naammaginaruusoq isumaqarpa?**

**Akissut:**


Naalackersuisuniit ilisimatitsissutigisinnaavarput, Peqqinnissaqarfiup meeqqanut  
inuuttunullu tarnikkut nappatilinnut sullissivimmi suleriaatsit napparsimasunillu  
sullisseriaatsit allangortiterlugit ingerlammagit, tamatumani suliassaqqarfimmi  
patajaassutsip sulianillu paasisimaarinninnerup annertusarneqarnissaa, kiisalu suliat  
aallartinneriniit piffissap utaqqiffiusartup sivikillisinneqarnissaa siunnerfigineqarlutik.  
Ilaatigut peqqissaasunik meeqqanut inuuttunullu tarnikkut nappatilinnut sullissivimmi  
suliassanik immikkut piginnaangorsarfiusunik suliqaqtussanik  
piginnaangorsaasoqassaaq. 1. maajimiit meeqqanut inuuttunullu tarnikkut nappatilinnut  
sullissivimmi peqqissaasumik aalajangersimasumik atorfeqartitsisoqalissaaq,  
taassumalu meeqqat inuusuttullu tarnit pissusaannik sulialinnut amerlanerusunut  
aammalu tarnit nakorsaasa suliannut tapertaanissaq/ikiuunnissaaq, nakorsaaitortunik  
katsorsarneqartunillu malinnaanermi piffissap utaqqiffiusussap sivikillitinnissaa, tarnikkut  
nappaatilinnut sullissiviup il.il. ataani suliassaqqarfimmi meeqqanut inuusuttullu  
neqeroorutunik ineriartortitseqqinnissaaq suliassarissavai.  
Tamatuma saniatigut tarnit pissusiinik ilisimasallit napparsimalersut nutaat  
malinnaaffigineqarnerini qitiusumik inissisimassapput, tarnit pissusiinik ilisimasalinnik

---

<sup>2</sup> EM 2022/78 - FM2023/78

atorfinititsisinnaaneq atorfeqaannartitsisinnaanerlu tarnit nakorsaanniit ajornanginnerummat.

Innersuussisoqarnerani inissarsiuussinermit tarnit pissusiinik ilisimasalimmik imaluunniit tarnit nakorsaannik naliliiffiusumik oqaloqatiginninnissamut aggersarneqarnissap tungaanut qaammatit ataatsip sisamallu akornanni ingerlasinnaapput. Tamatuma kingorna misissuinerup ingerlanissaa pilersaarusiorneqartarpoq. Misissuinerup aallartinnissaanut meeqqap najugaa/angerlarsimaffia apeqqutaasarpoq, misissuinerit ornigulluni/toqqaannartumik attaveqarluni ingerlanneqartussaammata, taamaattumillu misissuinerit aatsaat ukiumoortumik sinerissamut angalanerit pilersaarutaasut ingerlanneqarnerinut atatillugu, imaluunniit Nuummut aggersaanikkut suliarineqarsinnaallutik. Tamanna pissutigalugu naliliiffiusumik oqaloqatigeereermermi misissuinerup suussusersinerullu nalinginnaasup pinissaata tungaanut qaammatit ataatsimiit aqqanilinnut ingerlasinnaapput. Tak. matuma kinguliani ilusiliaq.



Ilusiliaq 1-imi Peqqinnissaqarfimmi meeqqanut inuusuttunullu tarnikkut nappaatilinnut sullissivimmi napparsimasunik sullissisarnermi suleriaaseq takusutissiorneqarpoq.

Piffissaq utaqqiffiususaaq Peqqinnissaqarfimmi tarnit nakorsaannik atorfinititsisarnermut atorfeqaannartitsinissamullu periarfissanut naapertuuppoq. Piffissaq utaqqiffiususaaq sivikillineqassappat sulisut immikkut piginnaangorsakkat, minnerunngitsumillu tarnit nakorsaat nappaatinik suussusersisartussat amerlanerusut pisariaqartinneqarput. Maannakkorpiaq Nunani Avannarlerni tamani tarnit nakorsaat annertuumik amigaatigineqarput.

Aamma misissortinnissamut nappaatillu suussusersineqarnissaannut piffissaq utaqqiffiusoq angajoqqaat atuarfinnik, kommuninik aamma MISI-mik suleqateqarnerminni takkuttarnerisa unammillernartoqartinneqarnera peqqutaalluni sivitsorsinnaavoq. Tarnikkut nappaatinik suliassaqarfimmiit akuttunngitsumik innersuussutit siulliit, meeqqanut inuusuttunullu tarnikkut nappaatinik sullissivimmiit tiguneqartartut amigarneri misigineqartarpoq, tassalu meeraq pillugu paasissutissat pisariaqartut, assersuutigalugu atuarfimmiit aamma/imaluunniit kommunit sullissiviinit allaniit oqaaseqaatit naliliinerillu, paasissutissanik pissarsiarineqarsinnaasunik misissuinerit, aammalu najukkami nakorsamut attaveqarnissamut atatillugu akuersissutit inatsisit malillugit pisussaaffiusut atsiorsimasut amigaataasarput.

Ataatsimut isigalugu angajoqqaatut oqartussaasup allakkatigut akuersissutaanik pissarsiniartarnek ajornartorsiorfiusarpoq, pingaartumik ulluni meeqqap inissinneqarfigisaani/paaqqutarineqarfigisaani, angajoqqaatut oqartussaasup Danmarkimi inissisimaffigisaani imaluunniit najukkami ilisimaneqanngitsumiiffigisaani il.il. Tamatuma kingunerisaanik innersuussutit itigartinneqartarput, taamaattumillu meeqqap naliliiffiusumik oqaloqateqarnissamut utaqqisut allattorsimaffiannut ikkunneqarnissaata tungaanut sapaatit akunneri/qaammatit arlallit ingerlaqqissinnaallutik.

Meeqqanik inuusuttunillu misissuinissamut piffissaq utaqqiffiusartuq siviisummat Naalakkersuisuniit nassuerutigineqarpoq, pingaartumik meeraq sinerissami najugaqartillugu. Allanguinissaq taaneqartuq aamma meeqqanut inuusuttunullu tarnikkut nappaatilinnut suliassaqarfimmi sulisunik atorfinitsitsisarneq piffissamut utaqqiffiusartumut iluaqutaassasoq sivikillitsissasorlu naatsorsuutigineqarpoq.

**b. Qulaani pineqartut aallaavigalugit meeqqat inuusuttullu sukkanerusumik paasineqartalernissaannut qulakkeerinnittussanik peqqinnissaq pillugu isumaqatigiissutigineqarsimasumi tigussaasumik suliniutigineqartussat suut Naalakkersuisut tikkuarsinnaavaat?**

**Akissut:**

Peqqissutsimut isumaqatigiissummi partiit isumaqatigiissut (Inuit Ataqtigiiit, Siumut, Naleraq, Atassut aamma Attaviitsoq) nalunaarutigaa, Peqqinnissaqarfimmi tarnikkut nappaatsinut sullissiviup tamarmiusup nukittunerulersinneqarnissaa sulissutiginiarlugu. Peqqissutsimut isumaqatigiissummi suliniutissat arlallit, ukiuni tulluittuni pisinnaasatigut sulisoqarnikkullu unammilligassanik, tarnikkut nappaatilinnik sullissivimmi misissortinnissamut katsorsartinnissamullu piffissanik utaqqiffiusartunik sivitsorsaaqataasunik qaangiiniarnermut iluaqutaasinnaasut ersarissarneqarput. Taakku ilaatigut tarnikkut nappaatilinnik sullissivimmi tamarmiusumi ineriartortitsinissamut pilersaarummik suliaqarnissamut, aamma Dronning Ingridip Napparsimmavissuani meeqqanut tarnikkut nappaatilinnut immikkoortortamik pilersitsinissamut periarfissanik misissuinissamut tunngasuupput. Taamatuttaaq Peqqinnissaqarfiup ingerlatsineranik pitsaangorsaanissaq aammalu suleriaatsit immikkullu ilisimasaqarfinni assigiinngitsuni suleqatigiinermik pitsaanerulersinneqarnissaq anguniarlugit nakorsatigut immikkut ilisimasaqarfinnik avataaniit misissuititsisoqassaaq.

Aamma peqqissutsimut isumaqatigiisummi illup tarnikkut nappaatilinnut immikkoortorta qarfissap atulernissaata tungaanut pilersarusiornissaq suliniutissani salliutitassatut erseqqissaatigineqarpoq. Illu tarnikkut nappaatilinnut immikkoortorta qarfissaq maanna Tarnikkut Nappaatilinnut Suliassa qarfimmu A1-imut naleqqiulluni uninngasunut amerlanerusunut inissaqartitsiffiuvoq. Taamaattumik sulisussat immikkut piginnaanngorsakkat amerlanerusut, taakkunungalu ilanngullugit nakorsat, peqqissaasut, assistentit il.il. amerlanerusut pisariaqartinneqartussaapput. Ukiuni tulliuuttuni tarnikkut nappaatilinnut suliassa qarfimmi atorfiit ingerlaavartumik amerliartortinneqarnissaat, taamaalillunilu illup nutaap piareernerani sulisussat pisariaqartinneqartut sapinngisamik inissinneqareernissaat pissusissamisoortussaavoq.

**4. Isertuussassaangilaq tarnikkut nappaatilinnut katsorsaavik immikkoortuni arlalitsigut unammillernartumiimmat. Immikkoortut sorliit Naalackersuisut pingaarnersiuffigissallugit toqqarnikuaat?**  
**a. Malitsigisaanik immikkoortut suut Naalackersuisuniit pingaarnersiorneqangillat?**

**Akissut:**

Naalackersuisuniit ilisimatitsissutigineqarsinnaavoq, Peqqinnissa qarfimmiit tarnikkut nappaatilinnut katsorsaavimmi suliniutit arlallit, unammilligassanik qaangiiniarnermi atugassat aallartinneqarsimmata.

Tarnikkut nappaatilinnut katsorsaaviup iluani ilusiliinerit nukittorsaaffiginiarlugit, suliassa qarfiup immikkoortunut marlunnut avinneqarnissaa siunertaralugu Peqqinnissa qarfik suliassamik aallartitsisimavoq. Pilersaarut malillugu nakorsaanerit immikkut piginnaanngorsakkatut akisussaaffilinnut atorfiit marluk pilersinneqassapput; siulleq meeqqanut inuusuttunullu tarnikkut nappaatilinnut sullissivimmi aappaalu inersimasunut tarnikkut nappaatilinnut sullissivimmi. Nakorsaanerit immikkut piginnaanngorsakkatut akisussaaffilit suliassa qarfimminni suliassanik aqutsineq akisussaaffigilissavaat. Maannakorpiaq tarnikkut nappaatilinnut sullissivimmi nakorsaaneq aqutsisuusoq, nalinginnaasumik katsorsaanerimik immikkut ilisimatusarsimasoq ataasiuvoq, kiisalu tarnit pissusiinik ilisimasallit paarlatsit aammalu piffissami sivikitsumi atorfeqartinneqartut, immikkut ittumik akisussaaffiligaangitsut sulisorineqarlutik. Nutaamik ilusiliinikkut, inersimasunut aamma meeqqanut inuusuttunullu sullissivinni aalajangersimasunik atorfinitsitsiffiusunik, napparsimasunik katsorsaasarnerup patajaassusiata pitsaanerulernissaa, tamatumalu peqatigisaanik suliassa qarfimmi suliatigut pitsaassutsit qaffannissaat naatsorsuutigineqarpoq.

Tamatuma peqatigisaanik Peqqinnissa qarfik naliliivoq, tarnikkut nappaatilinnik sullissivinni katsorsagassatut neqeroorfigineqarsinnaasut salliutinneqarnissaat pisariaqartoq. Maannarpiaq pissutsit tunngavigalugit piginnaasatigut atorfeqartitsinermilu unammilligassat napparsimasunut sullissisunullu naapertuutinngillat. Maannakorpiaq pissutsit tunngavigalugit piginnaasat eqqarsaatigalugit napparsimasut, tarnikkut nappaatilinnut sullissivimmi misissugassat katsorsagassallu sukannernerusumik tulleriiaarneqartariaqartarput. Tamanna tunngavigalugu taamatut nappaatillit aallunneqarnissaat immikkut pisariaqartoq nalilerneqarpoq: Napparsimasut pinasuartumik katsorsarneqarnissamik unitsinneqarnissamillu pisariaqartitsisut itigartinneqarsinnaangitsullu, eqqartuussivinniit tarnikkut misissugassatut innersuunneqartut aamma tarnikkut annertuumik nappaatillit nukingiuussassaanginnerusut. Tassunga atatillugu napparsimasut sorliit Tarnikkut

Nappaatilinnut Immikkoortorta qarfimmi katsorsarneqarsinnaanerannut katsorsarneqartarnissaannullu tunngatillugu sukumiisumik pilersaarusiornissaq pillugu Naalakkersuisut Peqqinnissaqarfimmut qinnuiginnipput. Napparsimasunik taakkuninnga pingasunik eqqaaneqartunik pingaarnersiunerup kingunerisaanik unitsinneqarnatik nakorsartut itigartinneqarsinnaanngitsut tarnikkut qulaajaaffigineqarneqarnissaat katsorsarneqartarnissaallu ullumikkornit sivilisunerussasoq aallaqqaammut naatsorsuutigineqarpoq. Taamaattorli apeqqutip 3-p akissutaani nassuiarneqartut meeqqanut inuusuttunullu tarnikkut nappaatilinnut sullissivimmi suleriaatsinik napparsimasunillu sullisseriaatsinik aqqissuusseqqinnissaq neriuutigineqarpoq, taamaaliornerlu ajornartorsiummik matuminnga ikorsiisoqarsinnaavoq.

Tamatuma saniatigut qanoq iliorluni tarnikkut nappaatilinnut sullissiviup aamma Allorfiup akornanni suleqatigiinnerup annertunerulersinnaanera misissorlugu aallartinneqarpoq. Suleqatigiinnerup annertunerulerneratigut napparsimasunut, tarnikkut erloqissuteqartunut pinngitsuuisinnaajunnaarsimasunullu katsorsartinnissamut neqeroorutit nukittortinneqassapput pitsaanerulersinneqassallutillu. Suliniummi tassani napparsimasut, marluinnik nappaatilittut paasineqarsimasut ataqatigiinnerusumik katsorsarneqarnissamut neqeroorfigineqarsinnaanerulernerat anguneqassaaq.

Aammattaaq apeqqut 3-mut akissut takuuk.

- 5. Tarnikkut nappaatilinnut katsorsaavik immikkoortorta qarfianut aningaasat qassit ullumikkut immikkoortinneqarsimappat?**
- a. Immikkoortorta qarfiup unammillernarsinnaasut tamarmik peernissaannut qulakkeerinnissagunik aningaasat qanoq annertutigisut immikkoorteqqinneqassanersut Naalakkersuisut qanoq annertutigissangasorivaat?**

**Akissut:**

2024-mi tarnikkut nappaatilinnut sullissivimmut katillugit 88,1 mio. koruunit immikkoortinneqarput, taakkunanngalu 47,0 mio. koruunit Kalaallit Nunaanni tarnikkut nappaatilinnut sullissivimmut aamma 41,1 mio. koruunit Danmarkimi tarnimikkut katsorsartittunut misissorneqartunullu immikkoortinneqarsimapput.

Tarnikkut nappaatilinnut sullissivimmi unammilligassat qaangerniarlugit isumalluutit saniatigut immikkoortinneqartussat qanoq amerlatiginersut missiliorsinnaanialugit, Naalakkersuisuniit VIVE-p sulialittut ineriartortitsinermut pilersaarummut siunnersuutissaat utaqqineqarpoq. Nalunaarsuineq manna tunngavigalugu suliassa qarfiit suut naalakkersuinikkut tulleriiaarinerni isumalluutinilu immikkut ittumik eqqumaffigineqassanersut aalajangersarneqassaaq.

- 6. Naalakkersuisut suliamut tunngasunik paasissutissanik allanik paasissutissiinnaappat?**

Naagga, Naalakkersuisut suliaq pillugu soqutiginaatilinnik allanik paasissutissaateqanngillat.

Inussiarnersumik inuulluaqqusillunga

  
Agathe Fontain



4. marts 2024

Inatsisartut ingerlatsinerlut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

**Naalakkersuisunut apeqquteqaatit:**

1. Una siunnersuut akuerineqarsimasooq suliarinera sumut killippa "Peqqinnissaqarfimmi tarnip pissusaanut, tassunga ilanngullugit meeqqanut inuusuttunullu tarnip pissusaanik ilisimasalinnut tunngasutigut ineriartortitsinissamut Naalakkersuisut pilersaarummik suliaqarnissaannut peqquneqarnissaannik Inatsisartut aalajangiiffigisassaattut siunnersuut. Pilersaarut pitsaannerusumik paasiniaasarnissamut, paasiniaaqqissaartarnermut tarnip pissusaanillu ilisimasalimmit katsorsaasarnermut suliniutissatut siunnersuutinik tigussaasunik imaqaassaaq. Ineriartortitsinissamut pilersaarut kingusinnerpaamik UKA2023-mi saqqummiunneqassaaq."? <sup>1</sup>
2. Una siunnersuut akuerineqarsimasooq suliarinera sumut killippa "'Naalakkersuisut Dronning Ingridip Napparsimavissuani nuna tamakkerlugu meeqqanut immikkoortortaqaqarfimmik pilersitsinikkut atugassarititaasunik pitsanngorsaanissaannik aammalu Meeqqanut Inuusuttunullu tarnip pissusaanut ilisimasalinni atugassarititaasut utaqqisarnerillu sivikillisinnissaannut peqquneqarnissaannik Inatsisartut aalajangiiffigisassaattut siunnersuut. Tamatuma saniatigut suliamut ilisimasatigut piginnaasanik isumalluutinillu pisariaqartitsisoqassappat, taakku misissoqqissaarneqassapput taamaalilluni paasiniaaqqissaarnissat pinasuannigitsut annerpaamik qaammammik ataatsimik siviutigisumik utaqqineqartalerniassammata. Naalakkersuisut nassuiaammik, aningaasaqarnikkut naatsorsuinernik imalimmik kingusinnerpaamik UP A2024-mi saqqummiissapput."? <sup>2</sup>
3. Angjoqqaat imaluunniit atorfillit ilisimasaqartuusut ADHD, autisme imaluunniit unammillernartut assingusinnaasunik ilimattaassaqartillugit, meeqqat inuusuttullu sukkanerusumik paasineqarnissaannik aammalu suussusersineqarnissaannik qulakkeerinnittussanik Naalakkersuisut tigussaasunik suut suliniutissatut aallarnisarnikuuat?
  - a. Paasineqarnissamut utaqqisarnerit qanoq siviutigippat?
    - i. Utaqqisarnerup siviussusaa ullumikkut atuuttumut Naalakkersuisut naammaginartuusoq isumaqarpat?
  - b. Qulaani pineqartut aallaavigalugit meeqqat inuusuttullu sukkanerusumik paasineqartalernissaannut qulakkeerinnittussanik peqqinnissaq pillugu isumaqatigiissutigineqarsimasumi tigussaasumik suliniutigineqartussat suut Naalakkersuisut tikkuarsinnaavaat?

<sup>1</sup> EM 2022/89 - FM2023/89

<sup>2</sup> EM 2022/78 - FM2023/78



4. Isertuussassaangilaq tarnikkut nappaatilinnut katsorsaavik immikkoortuni arlalitsigut unammillernartumiimmat. Immikkoortut sorliit Naalackersuisut pingaarnersiuffigissallugit toqqarnikuuaat?
  - a. Malitsigisaanik immikkoortut suut Naalackersuisuniit pingaarnersiorneqanngillat?
  
5. Tarnikkut nappaatilinnut katsorsaavik immikkoortortaarfianut aningaasat qassit ullumikkut immikkoortinneqarsimappat?
  - a. Immikkoortortaqrarfiup unammillernarsinnaasut tamarmik peernissaannut qulakkeerinnissagunik aningaasat qanoq annertutigisut immikkoorteqqinneqassanersut Naalackersuisut qanoq annertutigissangasorivaat?
  
6. Naalackersuisut suliamut tunngasunik paasissutissanik allanik paasissutissiinnaappat?

(Inatsisartunut ilaasortaq Anna Wangenheim, Demokraatit)

#### **Tungavilersuut**

Tarnikkut nappaatilinnut katsorsaavik immikkoortortaarfiani annertuunik unammillernartoqartoq Ombudsmandip nalunaarutaani aammalu Peqqinnissaq pillugu ataatsimiitsitaliap isumaliutissiisutaani ersarissumik oqariartuutigineqarpoq. Peqqinnissaq pillugu ataatsimiitsitaliaq aamma atukkanik pitsanngoriaataasinnaasunik innersuussaqaarnikuuvoq.

Innersuussanik agguusaqartoqarsinnaavoq – kisiannili pissutsit piviusut allaapput. Innuttaasut pisariaqartitaanut tulluuttumik sukkanerusumik tarnikkut nappaatilinnut katsorsaaveqalernissarput soqutigisaraara, maannakkummi sivisuallaqaaq. Taamaattorli qanoq iliortoqarnissaanut atatillugu Naalackersuisut matoqqasumik ingerlatsivallaarsoraakka.

Naalackersuisut avammut oqaaseqatuaraangamik siammassuinnarnik oqaaseqarpallaartarsoraakka. Ukulu apeqqutit Naalackersuisut tigussaanagerusumik isummernissaannut periarfissatsialaasoraakka.

Ullut suliffiusut qulit iluanni apeqqutinnut akissutisinissara qilanaaraara.